

栝  
蒼  
金  
石  
志

栢蒼金石志卷十一

嘉興李遇孫金瀾輯 海昌鄒柏森殷甫校補

麗水王尙

忠芝庭廣雲舫

參

麗水王宗訓式之同校

元三

處州路新修廟學碑銘

碑高八尺廣四尺五寸凡三十二行行四十四字隸書徑一寸篆額八字長四寸石已泐在府學梁祠

處州路新修廟學碑

處州路新修廟學碑銘

處州路新修廟學成總管盧侯景經歷王君文彪以書

拒質請識於石書曰昔昌黎韓

□□□□□□□□

□□廟碑文歎其至官能以爲先既新廟吹像又置講  
堂選博士弟子肄習其中而本錢粟米□□□□□□  
□□□□具與宋制驟異矣及孫威敏公沔徙建今學  
時則慶曆詔下以公之賢興此不難也其後宣□□□  
□□□□□□爲州復崇新構視舊加宏入

國朝垂六十年雖或革或回屢勤互役而朽填未竟摧  
剝隨之景之始至祖謁廟庭遄卽堂席脩□□□□□  
□□□與長貳令謀屬經歷王君句校出入之贏得逋  
租餘八百石戒有司毋緩輸命計吏□儲侍飭材徵□  
□□□□□方授圖練日會瀾東海右道肅政廉訪副

使李公按部涖郡景白事及之三日廟見公周旋庭陞  
計陳器設縣之位殊隘宜增闢東西各一楹以廣其度  
隆棟厚礎旣轟旣安脩筵豐藉不偏不踰河目海口翼  
在上陞降拜舞舒○有睿自靈星門泮池○閔列薦  
至兮會講之堂稽古之閣弦歌之館衆宿之廬下逮廩  
庾庖湍凡榱桷傾侈而瓊甍摧落者咸易弊爲良外隅  
內與聖艘相輝又度地正陽伦新亭具刻

詔書以承休寵役未半教授林堂寔來元相典廌力復  
臨殿庭築臺以登樂歌臺之下易新甃以嚴禮事斥浮  
就寔以臻厥成終始協贊學錄薛元德與有勞焉今鳩

傳告脩予惟守土之臣職司教典屬時補敝豈有勞烈  
可名金石而使輶至止嘉惠斯文勸獎佗興以致新美  
將使千里之民均霑豐芑之澤仁漸義漬貽訓遠矣儻  
幸假辭紀載明李氏仍世有人使吾處之民視儀終始  
樂學之成以嚶歎詠歌於甕已其亦可乎咎賁備官成  
均從公爲僚今遄休田間在公容察之下維顯詩之則  
其職也公名端字彥方由藝文太監檢校書籍事予閱  
節吹今任有學規十一條布之列郡示下學上達之方  
著明善誠身之本有學有政知先後哉詩曰

若古範民有庠有序閭塾所升進旅退旅飲射讀瀍於

焉廬語還從父師講肄道德事親信友動言維剿□夫  
興賢自鄉而國致用於時爲大夫士□祇六德亦和三  
事由仁義行非行仁義庠以養賢序以序射士出於農  
學須其段越鄉而遊則衆所舍凡學之□□用丕變少  
能代老畊剿讓畔明君誼辟視爲勝算魯嘗修泮鄭不  
毀校來□來議胥訓胥告二國之政卒以無□魏上聖  
師宜有廟樂唐始潔祠宋曰建學園桓□嘉笙鏞間作  
夫是秩禮亦□于古瞽宗之制殷薦樂禋周公於□□  
予於魯矧茲國中聖維教父首善自京刑于郡邑教行  
祀皋洋<sub>上</sub>秩<sub>上</sub>□運重光赫如天日率土有隹嚮用儒

術

明詔屢頒申嚴甲令憲臣宣□良牧泄政吉蠲苾芬式  
時誦詠育彼菁莪治于休盛山區海陬凡有官守挈是  
夷風化爲禮囿楷維東藩千里而□俗鮮淫昏民重孝  
秀建學立師繫教之始孰爲新□□侯妣李在宋孫黃  
亦濟其美支傾柱敗間閱五紀撓棟墜□日就汚□□  
起新功以竢賢者盧侯至止有嘖悲咤徵匠以備掄材  
於塋有奕攸華翩其來屆嘉侯是舉勉曰弗懈介爾高  
明廓爾湫隘凡厥禮容有□□□財焉出逋租是輯  
咨爾元僚制其張翥廣庭閑□穹棟爰上自門徂堂爾

管爾葺無侈前人無廢舊觀業有息□□有薦盟謹爾  
通思合爾判渙經訓昭畚星文與煥挾榮而趨重席□  
□□□生師矯輕警惰如彼執御逐左而左如彼□□  
是菑是播惟二李公前承後□異世相望肆不隕問惠  
我□□□□之近式訓程之視公繩準顯允虛侯職是  
南陌起孝起敬民用飲食僚有王君婉其諾畫載新頒  
宮崇<sup>上</sup> 仡<sup>上</sup> 神道設教天維顯用民罔敢知維□□共  
泰則□相輿則成誦美□□□□□□衆

至元丁丑良月 日太常博士柳貫記 婺州路儒學  
教授□□□□中 下缺



右碑篆額八字文三十二行八分書在處州府學  
此記總管盧景經歷王文彪經始緝學廉訪副使  
李端力成之也文云孫威敏公沔徙建今學時則  
慶曆詔下按宋陳孔碩修學記云校圖經及郡記  
康定中孫威敏公沔始徙學建廟于今址然考之  
郡守題名及蘇舜欽記則威敏之來實景祐四年  
迨寶元二年爲席侯已至經始當在景祐寶元之  
間圖經舛矣此碑所述猶仍誤說也

兩浙金石志

右元處州路新修廟學碑太常博士柳貫作記案  
貫字道傳婺州蒲陽人爲金仁山弟子與黃潛虞

集揭傒斯齊名號儒林四傑作文多爲人傳誦卽  
此新修廟學記前述盧景作書求文之意古雅絕  
倫後四言詩至五六十韻之多鋪叙更覺詳明昔  
嘉慶年間湖州溫一齋純來司訓頗重碑版知是  
碑之可貴築亭覆之人稱爲柳亭今亭圯碑倒余  
從蔓草中洗而拓之

青田陀羅尼經鐘

據拓本錄入不  
計高圍區數

破地獄陀羅尼

神幡引路陀羅尼

諸佛慈護陀羅尼

離怖畏陀羅尼

法澡浴堂陀羅尼

淨三業陀羅尼

解百生冤結陀羅尼

發歡喜心陀羅尼

集福德陀羅尼

生天陀羅尼

發菩提心陀羅尼

寶樓閣真言

佛母大明章句

右十三目各有梵語不錄

摩訶般若波羅蜜多心經

經文不錄

地藏慈尊菩薩 若人欲了知三世一切佛應觀法界  
性一切唯心造 道冥尊者菩薩

願此鐘聲超法界鐵圍幽暗悉皆聞三塗離苦罷刀輪  
一切衆生成正覺

□□寺募緣僧衆 法來 法韶 法準 允楠

允莊 法聚 允乘 允忠 允載 允良 允岐

允華

允式

允熙

永量

允勝

允森

必全

永光

童行

允昂

必恭

化主比

邱

允昌

幹緣當山住持宏觀慧照大師

法傳

後至元三年丁丑歲十一月 日造

右青田縣天后宮鐘嘗讀道教靈驗記云處州青田縣清溪觀古有銅鐘因袁晁亂後失其所在有墨書青田字人或記焉其後温州島嶼山水中舟人時聞鐘聲幽咽不遠有人忽見水中有物如半鐘形側露水上舟近卽覆以物觸之便沉水中好事者乘舟看之天氣晴霽亦時一見州寺僧結

彩舫具幡花致齋迎之或道場經懺而請稍得見之等又沉去道門亦脩香火迎之見而不得清溪道士時有與迎鐘者于衆中稽首祝之曰清溪觀無鐘多年極是闕事遠地不辦香火丹心而已鐘若有靈願泝流自往某旬日卽歸于觀前溪中奉候衆聞其說皆笑之十餘日道士歸青田鐘已在觀前潭中焚香迎之汎汎就岸重千餘斤數人挽拽懸挂若百許斤爾自後時亦飛去旬日却廻今以大鎖繫之不復去矣其上墨書青田字久在水中宛然不滅井邑老人詳認其字乃觀中舊鐘也

案清溪觀今在青田縣城中無恙而訪其大鐘不見惟間壁天后宮有此古鐘一口或疑卽移自清溪觀者然與靈驗記所載不合豈觀內靈鐘日久又飛去耶神奇之說固在可信不可信之間

右陀羅尼經鐘不知何寺故物今在青田縣天后宮以二區鑄陀羅尼經文十三遍鐘帶間周遭鑄心經一篇其餘鑄擊鐘偈語并列寺僧衆名及年月一行攷古以佛經勒石始於北齊天保二年風峪有華嚴經碑至唐則盛尙矣如貞觀二年淤泥寺有心經石幢咸亨三年王知敬書金剛經勒石

其陀羅尼經幢自武后訖唐末約有六十餘種天寶間有金剛經石幢香積寺經幢大厯間亦有心經碑五代漢廣順間虎邱等處亦有陀羅尼經幢然皆勒經于石鑄經于鐘古未之見也惟唐武懿時外國南詔鑄天王象并金剛波羅蜜梵字於鐘而未有經文案王司寇金石萃編載宋[酒]化元年撫州寶應寺僧重刻甘露陀羅尼於唐鐘又錢詹事養新錄載元至正九年北固山甘露寺有銅鐘周遭刻心經一篇是鐘上鑄刻經文殆始於宋至元季則所在皆是矣

雲舫



景衢油田普福教寺心經鍾欵

據拓本錄入不  
計高圍尺寸

摩訶般若波羅蜜多心經

經文不錄

聞鐘聲 地獄輕 智慧長 菩提生 離地獄

出火坑 願成佛 度衆僧 南無觀世音菩薩

願此鍾聲超法界鐵圍幽暗悉皆聞三塗息苦罷刀輪

一切衆生成正覺南無阿彌陀佛

油田普福教寺

本寺洪鍾普結

萬人善緣重新鑄造仰祈國泰民安風調雨順捨財施  
主近遠檀那人人福海壽山日日春風和氣三塗息苦  
四趣停酸法界有情同圓

種智皆至元四年戊寅太歲良月旣望謹題

本寺章

僧衆 行杲 高僧 高信 行榮 行亨 行聚

知事 行暕 道玻 道琮

都文 行乘 都管 行集

提點 德霖

普慈宏教大師首座道臻

括蒼金石志

卷士

九

真如實性大師東堂 道堅

慈明仁壽元悟大師住山 道固

各募衆緣共成勝事四恩普報三有齊資

普結萬人善緣每名中統鈔二伯五十文開具于后

本寺比邨

高信

道玻化鈔二十五兩 行暕 道琮 行乘 行集

道臻同化鈔七百五十兩 德霖化鈔一百兩

道堅 行亨化鈔一百五十兩

住山道固化鈔二百兩

施主勾題短少者各僧抽已衣資補足

溫州路平陽州鑄

三

司明遠

弟明高

男道源

右景甯普福寺鐘周適鐫心經一篇上下數區鑄  
擊鐘偈語及年月題款寺僧衆名并化鈔分兩今  
鐘在關帝廟按普福寺在景甯縣北十五里唐乾  
符二年建元季後至元四年鑄鐘內有國泰民安  
風調雨順八字古未之見惟金承安四年韓城縣  
圓覺寺鐘款內有此八字王司寇萃編云近代各  
處寺觀梁柱鐘鼎率題此八字蓋昉於金承安耳  
雲舫

白雲山空中禪師舍利塔銘

碑高七尺五寸廣三尺三寸文與題款  
凡二十四行行四十四字正書徑一寸

空中禪師舍利塔銘

處州白雲山空中禪師舍利塔銘

前是五十年高峯和尚妙公卓錫臨安西天目危巖絕  
頂之上坐斷生死一關學人危險赴之多不能湊泊而  
枯蒼空中師獨依之度十寒暑中其蠱毒終身瞑眩虎  
穴生斑信英特哉師諱以假字空中郡之麗水縣葉氏  
子九歲而孤年十七去其家入岑峯禪智寺爲童子二  
十薙髮受度聞高峯道行峻絕徑往參禮久居衆座未

有趣向一日焚牒然指自誓云不明大事不下此山是  
益殫苦力求證本心峯喜其類已亦時一勘驗而亟稱  
許之久之乃始去依蒙山異公於吳之休休菴又依及  
菴信公於婺之西峯信將挽使就僧職而師意特欲質  
其證受而無別求聞解之志亡幾辭歸連雲毒種曇公  
知師倦游作連華菴寺右延師居之學者稍來依止師  
猶以爲未抵深密不能截斷世緣更欲移家辟喧栢城  
北法會寺王子文聞請師曰距城十里有白雲山唐雪  
峯四世孫澄禪師嘗宴坐其處院曰福林廢址猶歷歷  
可按邃谷清泉境趣幽復非師莫宜居是時有居士吳

德大者悉力經營以圖起廢院成懷香袖䟽請師開山  
住持而四方味道之侶聞風來赴屢滿戶外幻住中峯  
本禪師聞而貽書致問華頂無見睹禪師亦躡屨來過  
相勉以道居十年葉居士順宗又卜城東碧雲山作佛  
頂精舍向師扣頭作禮求說第一義諦師於是往來兩  
山閒叅徒全集莫之能禦而師亦以慈順方便攝受一  
切朝夕單提向上一著而警勵焉故登其門靡有不蒙  
益者重紀至元丙子之歲坐夏佛頂忽微疾戒其弟子  
智度卽死藏我福林之後大峯之下度復請付囑援華  
書偈曰地水火風先佛記掘地深埋第一義一免檀那

幾片柴二兔人嫌無舍利跣趺儼然而化五月十七日  
也葉居士謂師化緣在是卽奉全身葬精舍東隴而爪  
髮迎還福林遵遺教建塔大峯山麓啓函得舍利如水  
晶珠數十顆圓明璀璨道俗傳觀歎未嘗有卽用二甕  
合而瘞之重法道也師閱世六十九年坐五十夏度弟  
子智度等若干人有山中樵唱集若干卷別刻傳學者  
今繼席福林乃遣其同參弟子一性自枯來婺女山中  
乞予銘蓋高峰嗣仰山惠朗禪師雪巖欽公惠朗嗣經  
山佛鑑禪師無準範公佛鑑上邇圓悟五世惠朗婺人  
則予宜銘予聞從上諸師真諸靈智舍利生於燼餘而



是爪髮所在精氣既散舍利何自致哉真積力踐應驗  
若此銘乎可誣銘曰

是身夢境 散爲霏烟 是性靈明 如止水淵

三昧力中 輝光渾圓 於一爪髮 隨感現前

所得全□ 玉粲珠鮮 蓋其履踐 粹然精堅

死生雖天 卒莫變遷 矯首虛空 白月在天

宰堵如拳 □□□□

翰林待制兼國史院編脩官柳賁

下缺

亞中大夫瀾東海右道肅政廉訪使張

下缺

大元至正元年辛巳歲秋八月庚申住山弟

下缺

右空中禪師舍利塔銘在白雲山福林寺字畫莊嚴銘詞古雅不亞唐人碑板禪師依高峰和尚度十寒暑堅志苦力求證本心復歷名山大川質其證受可謂釋家以斯道爲任者矣化後能見舍利於枯爪朽髮中則其真積力踐果不虛謬亦可以證其向往之篤志也惜山中樵唱集未見傳本碑文云連雲毒種按毒與篤通身毒西域國名在大夏東南一名捐毒又名天篤師古曰今之天竺蓋身毒聲轉爲天篤篤省文作竺又轉爲竺音山海經東海之內北海之隅有國名天毒其人水居郭

璞注天毒卽天竺國則是毒種曇公蓋西番僧耳  
碑載禪智寺蓮華菴碧雲山佛頂精舍志皆不錄  
惟法會寺作在白雲山可據碑正其誤

雲舫

右空中禪師舍利塔銘空中名以假郡志仙釋傳  
載之僅錄其禪棲于白雲山及化時一偈今讀碑  
始詳撰文者翰林待制兼國史院編修官柳賡案  
賡卽貫字玉篇二字同貫曾作處州路新修廟學  
碑在至元丁丑叙銜太常博士此碑至正元年辛  
巳越四年而轉官翰林矣

縉雲縣學復田碑

碑高九尺四寸廣四尺二寸文及前後題款凡十九  
行行三十六字正書徑一寸五分篆額八字長五寸

縉雲縣儒學復田記

梁與可潘□□□

承事□婺州路永康縣尹兼勸農事俞希魯

下缺

從事□衢州路江山縣尹致仕徐桂蟾

下缺

栢自唐昌黎韓公作孔

子

廟碑民知向方士風之盛最

於東澗縉雲爲栢屬邑

又晦庵朱先生

過化之地故其

士風爲尤盛然士衆而產薄學廩弗恒給至宋嘉定中

侍郎魏公

魏文左司朱

公元龍叅知政事何公

澹知縣

趙公崇綯慮其有教而無養也相與營度得田爲畝者

四百而山之爲原者四原皆周垣里許著之籍我

皇元之制凡土田之隸于學者咸給以養士而侵斂者有禁獨茲學之田陷于普化浮屠者六之一而山則盡

爲豪民所據職教者訟之縣若郡累數十載莫克直至

元五年歲己卯學之士梅必先復訴于郡明年部使者

苦思公閱籍稽僧田之數溢于舊者四十有二畝卽歸

之學又明年至正改元辛巳夏五月京兆史侯承務來

尹其邑下車首以興學爲務大捐已資徵工購材凡殿

堂齋祠之壞者葺之龕座帷帟之弊者新之易祭器以

銅樹儀門以戟佩衿來遊赫焉吹觀旣乃召豪民於庭

躬諭以理皆頓首願歸業于學命教諭龍游鄭君維行  
田覈實遂復故疆廩稍出內者有贏無匱於是邑之薦  
紳咸願刻石以著厥美而鄭君述其績來謁文余嘗爲  
獨峯長稔知其俗今史侯以忠勤峻潔起身臺閣出而  
寄百里之命又能以禮義化其民則俗將一變至道矣  
然其善治之可紀者不止此也而侯之所以急先務者  
其在茲歟昔魯僖公能脩泮宮而詩人頌之齊人來歸  
鄆譙龜陰田而春秋筆之則茲舉也宜書田山畝數詳  
載碑陰俾後來者有攷侯名企賢字思齊至正二年九  
月朔承信校尉處州路縉雲縣達魯花赤

兼勸農事完

間保義副尉處州路縉雲縣主簿亦速甫儒學教諭鄭維訓導宋壽之賓序王澤民立石

右縉雲縣學復田碑卽俞希魯所書實撫李北海而惜少仙逸之趣較諸趙松雪則雄勁過之矣文缺蝕三十四字以縉雲志所載補注偏旁

雲舫

麗陽廟加封神號碑

據兩浙金石志錄入不計高廣

皇元加封聖號

皇帝

湖東道宣慰使司

元帥府承奉

江湖等處行中書省劄付准

中書省咨來咨處州路申士民吳友夔等狀告麗陽山  
卽本路之名□在州城北五里有麗陽三殿聖王廟前  
二石山對峙如□□狀其神靈顯最著古今爲望祀李  
唐大中九年乙亥石碑鐫載其正位麗陽王蓋此山之  
神左則白塔王斯土地之主右則巨潭王乃龍沼之靈  
碑石見在可攷經涉厯代前後封贈廟額王爵屢加褒  
崇但有亢旱無不感應如不蒙

朝廷特加褒異非惟虛負神之忠勞誠恐天下百姓無  
以知 天順神助

聖朝之意今將厯代累封誥詞抄連在前咨請照詳准



此送據禮部呈移准太常禮儀院關檢照得宋會要元  
豐三年大觀二年紹興二十九年累嘗加封卽係載在  
祀典合依已擬加封相應本部議得麗陽王封加歷代  
陰祐一方旣著威靈宜錫美號合准本部院所擬相應  
如蒙准呈宜咨本省依上施行具呈照詳得此咨請依  
上施行准此省府令下仰照驗依上施行奉此使司帥  
府令下仰照驗依上施行須議劄付者

正殿麗陽王

元封仁文神武正福忠聖王 今易封曰仁文神武廣  
祐忠聖王

神父 元封廣福公 今加封曰廣福裕後公

神母 元封慈惠協應顯慶助祐夫人 今易封曰聖

善慈惠顯應助祐夫人

神妻 元封助正妃 今加封曰主中助正妃

神子 元封協佑助順廣惠侯 今易封曰紹靈協祐

廣惠侯

神子妻 元封協慶夫人 今加封曰助惠協慶夫人

西殿施普廟神

元封昭惠靈應仁烈孚祐王 今易封曰昭德靈惠仁

烈孚佑王

東殷顯祐廟神

元封英顯廣利王 今加封曰協忠英顯廣利王

佐神弄侯

元封助靈顯佑協惠輔正侯 今封助靈顯佑協惠輔

正公 右剗付處州路總管府准此

麗陽王加封

押 押

至順三年九月初九日

押 押 押

麗陽廟加封記

枯蒼山水奇秀多仙聖都宅府北五里有麗陽山前面  
練谿直指雲漢廣袤數十里儼爲東南鎮山有三神能

出雲致雨降休翦疵廟食久李唐大中間刺史徐公鄧  
肇立麗陽廟歷宋幾百祀中靈顯廟神積十有二封

曰仁文神武正福忠聖王神父五封爲廣福公母爲慈  
惠協應顯慶助佑夫人妃曰助正妃子三封爲協佑助  
順廣惠侯子婦封協慶夫人東顯佑廟神累八封爲  
英顯廣利王父四封爲嘉惠垂慶正佑顯應侯母曰靖  
惠積慶順應助佑夫人妃爲慈貺佑助順濟贊福夫人  
子三封爲翊惠昭貺顯甯侯子婦封協惠夫人西施  
普廟神累十有一封爲昭惠靈應仁烈孚佑王父四封  
曰昭應顯惠廣佑善利侯母曰靜惠協應順利佑慶夫

人妃爲淑德助應順惠贊慶夫人子三封爲助惠昭佑  
顯慶侯子婦封協應夫人佑神昇姓累四封爲助靈顯  
佑協惠輔正侯

皇元混一區宇惟茲 大神婁著嘉績大德辛丑

朝廷特議 麗陽三殿聖王係名山大川俾有司歲時  
致祭迄今降靈之辰邊豆靜秩牲牷肥潔聲樂之和穆  
文武咸造朝□而行事自五嶽以下未有若茲盛者邦  
之人承純嘏之常冀 錫命之貴陳辭懇請守臣移狀  
宗伯度禮太常論謚至順壬申奉中書省檄 正殿麗  
陽王易封正福爲廣祐神父加封裕後母易封協應顯

慶曰聖善顯應妃加封主中子易封助順爲紹靈子妃  
加封助惠 施普廟神易封昭惠爲昭德 顯佑廟神  
加封協忠佐神昇侯進執桓圭神靈服歆耄□夷懌錄  
褒封之實勒諸堅珉以彰

國朝禮神之意屬似祖紀其畧似祖聞□於山川虞書  
爲盛□□菑患祭法所崇恭惟 三聖王功德在民郡  
乘廟志布載詳□然民爲邦本神依人以靈神能大庇  
民而邦本固人心所主神靈之愈赫有國家者欲安夫  
民而徼福於神所以崇之者夫豈徒哉王位已極謚號  
之美固蔑有加而東西兩廟尙侯褒封之徧效詳分祉

有引不替人心之欲尊神者無窮守臣上聞

天寵之臻璽書之錫可計日而俟也似祖雖不敏尙當  
執筆書郡人林似祖記并書至正乙酉六月甲子日文  
正集會立石 梁與可鐫

右碑篆額六字文兩列上列中書省劄付三十四  
行下列記文三十二行俱正書在麗水縣麗陽山  
祖廟後殿此士民吳友夔申請麗陽加封中書劄  
付也後記述廟之肇始並先朝封爵大德特議致  
祭至順壬申加封而刻諸石又以東西兩廟尙俟  
褒封之典爲詞按麗陽不過山川之神迄元之祀

并及神之父母妻子皆有神以實之所謂聽命於神此明太祖之所以亟爲之正歟

兩浙金石志

右元麗陽廟加封神號碑文宗至順三年壬申劄付加封立石在至正乙酉已越十四年矣郡人林似祖撰文似祖卽作浯溪靈應廟碑文者自是能文之士故碑記俱出其手此文雖不及靈應廟之暢達然後一段云民爲邦本神依人以靈神能大庇民而邦本固人心所主神靈之愈赫有國家者欲安夫民而徼福於神所以崇之者夫豈徒哉辭氣嚴正固非苟于落墨者考郡志麗水有林定老



延禧辛酉進士仕至新州知州子彬祖至正乙酉  
進士官至青田令次子嗣祖至正庚寅經魁似與  
嗣同周頌以似以續似卽嗣也作兩碑時尙未登  
賢書故俱稱郡人

右麗陽山至順三年加封神號碑石高六尺廣三  
尺額篆皇元加封聖號六字上列中書省劄付下  
列林似祖記其書法圓純宛若靈飛經筆意其間  
共缺蝕十餘字此吾楮石刻之善者

雲舫

### 涪溪靈應廟碑

碑高六尺廣三尺篆額六字文  
十六行行四十一字徑一寸

重建靈應廟記

重建靈應廟記

永嘉王舜臣鐫

郡人林似祖文

將仕郎溫州路永嘉縣丞林彬祖書

將仕郎處州錄事高明篆額

郡城西北二十里曰浯溪山參差自西來下平地起伏如龜狀諸峰環迴一水繞其外萬木蔚茂望而見其秀異山陰有葉侯廟西南可一里寔余外大父潘公之居余往來外家頗聞葉侯事迹侯生唐僖宗朝旅力絕倫二子亦驍鷲里中毒長蛇荐食畜產且傷人侯怒帥其

子磔殺之衆咸嗟異旣卒黃巢兵過禽駭鹿奔或見侯  
率衆飛石從天下擊賊賊辟去鄉井賴完共名爲奪陳  
葉侯祠祀以報宋隱祐二年進士潘君檜始創廟宇雨  
暘疫疾謁告如響 皇元混一命正一真人留國公得  
以符誥封鬼神皇慶壬子鄉之人狀神功惠以聞封廣  
福威烈侯長子助靈將軍次昭顯將軍廟號靈應閱歲  
久棟宇壞墮 潘公偁歎曰廟作於吾族祖進士君今  
弊陋若是是吾責也遂捐已資哀材鳩工撤其舊拓而  
新之寢殿闕他門廡崇做堅茨甃飾一以法故像貌如  
生供具惟飭廟旁又爲屋若干楹俾浮屠主之名曰樂

善經始於至正甲申六月辛未以明年十月訖功耆老  
請爲文以記吾嘗以傳記有神降于某所則必書焉木  
石見景響能逆人福禍則趨祀之君子誚其誕而議其  
瀆諂至於捍大菑禦大患則國有恒祀焉陰陽之氣融  
結爲山川或出雲雨澤萬物或生賢傑濟世然有忼時  
命不試歿爲神以主厥土侯生大山長谷間能制物害  
而庇人類人素服其智勇其精爽固有與形軀俱亡  
者始爲形體所滯累其神變未至于不測迨夫形骸已  
遺精爽獨存乃能與陰陽之氣升降翕張翦暴禔善不  
疾而邀不行而至廟食一方與天地相爲悠久亦宜矣

高世之士懷惠利而未能達諸人也思神之功能而嚴  
事之神依人而靈其福人者亦何有窮耶然則紹公之  
志以求承神貺不無望于後之人也公字平仲篤實勇  
於義於吾外大父爲從弟云至正丙戌九月庚子記  
里人潘衡立石

右碑在郡北二十五里浯溪山道光庚寅歲友人  
以墨拓見贈觀其筆勢飛動書法遁逸宛若李北  
海所書葉有道先生神道碑固不落趙松雪以下  
何不幸其不傳耶所喜五百年來在窮鄉僻壤而  
無毡椎剝蝕之患此亦不幸之幸也至於葉侯事

實總以元季以神道設教無足異耳

雲舫

浯溪靈應廟碑撰於元至正丙戌郡人林似祖余讀似祖文有云皇元混一命正一真人留國公得以符誥封鬼神皇慶壬子鄉之人狀神功惠以聞封廣福威烈侯長子助靈將軍次昭顯將軍廟號靈應恍然知今之窮鄉僻壤小廟土神徃徃皆有封爵初疑鄉人僞撰不意起於元之聽正一真人得以符誥專封故濫予至此豈盡出於朝命哉似祖文俯仰古今氣體磅礴崇論閎議能知鬼神之情狀真古文作家也書爲永嘉縣丞林彬祖卽似

祖兄也兄若弟一書一撰各擅其場雲舫但賞其  
書法道逸尙不足以盡斯碑之妙案彬祖是時爲  
永嘉縣丞後遷青田令至正十九年明耿再成胡  
大海率兵取處州屯兵于縉雲之黃龍山元守將  
石抹宜孫遣元帥葉琛屯桃花嶺參謀林彬祖屯  
葛渡鎮撫陳仲真等屯樊嶺元帥胡深守龍泉以  
拒明師後胡深降明大海等卽出軍抵樊嶺合攻  
之大敗其衆連拔桃花嶺葛渡二寨遂薄城下是  
則彬祖曾爲參謀而葛渡失守後亦不聞再出矣  
事見 志大事記朱竹垞檢討度桃花隘諸山詩

隘口屯師日功臣汗馬勞卽指此也

東甌博古齋郭煥春熙堂手鐫



栢蒼金石志卷十一終

原刻麗水譚學鋒校字  
重刊海昌鄒柏森

栢蒼金石志卷十二

嘉興李遇孫金瀾輯

海昌鄒柏森殷甫校補

麗水王尙

忠芝庭  
賡雲舫

參

麗水王宗訓式之同校

元四

祝梅所墓誌銘

碑高六尺八寸廣三尺四寸文與題款凡十九  
行行三十二字行書徑一寸二分篆額長五寸

故梅所處士祝公墓誌銘

故梅所處士祝公墓誌銘

中議大夫杭州路總管兼管內勸農事知渠堰事趙

璉撰

奉政大夫江淞等處儒學提舉班惟志書

朝散大夫前江西等處行中書省左右司郎中普達

實立篆蓋

栝蒼祝氏子寶狀其父梅所處士之行求余銘賁諸幽  
爰據其梗概而爲言曰處士之先宋金紫光祿大夫寔  
由衢官於栝因家焉九世祖公明爲孟令在宋宣和以  
忠節著曾大父士奇登宋慶元丙辰第官至朝散郎潭  
州通判大父斗南宋將仕郎考夔平江路嘉定州都目  
妣宋承議郎郭泰亨之女孫也處士諱子和生於至元  
丁亥四月二十三日至正乙酉十二月十日終口正寢

春秋五十有九其穉也岐嶷穎悟旣髫而孝友彰於家庭旣冠而忠義聞於鄉黨具適用之材不能俯仰於仕進謙恭簡易與物無忤遺榮□□泊如也治家有法喪祭盡儀歲時叙子姪之長幼而敦其族誼嘗遊淮淝間□□大夫器□文雅率與之亢禮晚名所居室曰梅所因以自號日與賓朋觴詠其中偃蹇歲寒而適其適也生平無所嗜好惟皮其書籍訓子若孫世其儒業耳嗚呼處士孝睦謹□忠厚洽於傳聞卒以不試□鬱其望誠有識者之所深悼也娶趙氏子男一人寶婺州路永康縣儒學教諭孫男二人文普文曾女二皆幼以至正

丁亥十一月乙亥葬□麗水縣喜□鄉靈山之原祔先  
塋也銘曰

行著孝愛 誼隆族姻 早評推重 氣象恂恂

翱翔淮淞 譽□搢紳 歲□梅所 爰□其身

□水齋沄 靈山嶙峋 吉其宅兆 以裕後人

□人梁與可勒石

右元祝梅所墓誌銘在麗水縣東鄉靈鷲山之麓  
梅所名子和生平無求於人不樂仕進嘗遊淮浙  
延譽士大夫非所好也蓋獨善其身之君子應補  
入郡志隱逸傳

麗水縣學歸田殘碑

碑已斷泐  
不計高廣

上缺 文冊一面取勘廢寺田土 下缺

上缺 同查照得儒學砧基係亡宋 下缺

上缺 十七年抄 夕 □□田以官給印押文冊各一本於

內開 下缺 □□□□印號一同及查照得僧陳無景賁

到砧基簿俱無縫印雖 下缺 □後字樣紙色不同碑文

字樣昏漫難以辨認榜文三道有司別無文案□□□

□□□司署押無憑照證俱□爭告以後施行出給卽

係粧布捏合麗水縣指揮三道內二道挨照別無文案

一道係至正六年將田土四六開分及榜文禁約盜砍  
不曾追照本都砧基并流水簿籍遽便給憑當職將引  
一千人數眼同體勘得土名雙源澳口徐岸等處田土  
逐一踏視查照本都亡宋咸酒二年推排覈實田畝及  
至元十七年講究取勘田畝流水簿俱係縣學田畝與  
元抄籍面相同取訖各人並無扶同捏合重甘結罪文  
狀在官會來當職一同體勘得田山水碓基考其古有  
堪信簿籍嘉定十七年知州王寺簿撥入縣學養士設  
若上項田土係寺物業彼時寺僧緣何不卽爭執經涉  
七十餘年直至至元二十七年口有婺州余泰定妄以

前用經僧司告榜爭執顯見寺無僧人安有田土土愚  
潘□□所說不見有何文憑該職前項事實季似翁告  
蒙總府再委官體勘以籍□定斷付縣學管業以致淨  
妙寺僧陳無量妄起爭端總府再行委官體勘不曾追  
照勘信文憑却憑潘壽妄稱伊始祖於大觀四年捨田  
入寺扣算到今將三百年不見是否的係子孫及有何  
遺留文字其潘壽憑何知是伊始祖卽係扶同捏合遠  
憑一面虛詞妄稱既有鉄鐘響板香爐豈無田土贍僧  
違例破籍將前田十分內撥六分付僧四分付學簿籍  
俱係作弊文憑不勘准信致有姜德秀稱告恭照各卷



本寺本宋祥符鼎建治平賜額却稱寺係唐時建額其所爭田土稱係祥符年間潘中散捨入寺內其陳無量又稱大觀四年潘及所捨於宋通鑑長編內照得祥符係宋真宗年號治平係英宗年號大觀係徽宗年號其各僧所供口字年代俱各爭差顯見各僧初無明白據憑亦不知寺內始末緣由妄起爭端意圖貪佔今來披詳文卷委係縣學籍定物業合依元委官所擬以籍口定斷付本學贍士開坐照出事理申乞照詳得此照得云云今據見申又照得姜德秀所告田土係亡宋知州王寺簿置到民業養士備有砧基砧基存照抄數入籍

被僧泰定等圖佔前田妄以起廢爲由爭告儒人姜慶祖李必得節次告蒙委官體勘俱係縣學田土碇基抄數籍冊相同比與僧人陳無量指說事理爭差擬將前田以籍爲定斷付縣學爲主陳無量妄以理斷不當飾詞稱告委官體勘定擬不行追照堪信文憑上據一面詞語擬將學田以十分爲率四分付學六分付寺爲所委官議斷不公再委錄事高將仕麗水縣尹陳承直體勘委係縣學物業抄數入籍及追照陳無量執出文憑又無文案俱係捏合影射之文難以稽考又兼所指年號爭差旣稱大觀四年潘及將已田入寺並無口憑及

余泰定告田回寺係在抄數之先於架閣庫籍內照得  
聖壽寺止有人一口居□□□何田山地段不行供抄  
入籍顯見妄以前田係是寺家物業合依所委官照依  
元委官所擬以籍爲定斷付麗水縣學管業養士相應  
總府出給據憑付麗水儒學收執管業收租所有據憑  
須議出給者

右據付麗水縣儒學准此

縣學田土

印

對同

孟

押

右麗水縣學歸田殘碑上列斷泐石已失去僅存

數十字下列尙可得其大概末二行間有元時篆  
古篆文印花廣五寸長七寸離爲三段此碑不知  
廢於何時嘉慶間桐鄉屠菴渚先生爲麗水縣教  
諭時置殘石於土地祠壁間道光辛卯余於土地  
祠階下又得一石徑尺許一面卽此碑上列殘字  
一面僅存五十六字內有劉基記三字考處州府  
學校志云麗水縣學宋時置田贍士後奪於僧元  
至正中復歸於學注云有劉基歸田記知此碑陰  
卽劉文成公歸田記也復考郡志藝文與劉文成  
覆瓿集俱不載此記碑陰旣殘缺又深嵌墻壁惜

不得摩挲審讀一過爲恨按碑上列殘字有云此田爲宋嘉定十七年知州王寺簿置以養士者坐落三十都土名雙源等處及至元二十七年爲本都聖壽寺僧侵沒至正間儒人姜興祖李必得等狀告復歸於學又按郡志職官表嘉定間知府有王夢龍者麗水縣學重刊韓昌黎處州孔子廟碑乃嘉定十七年王夢龍立石此碑稱嘉定十七年知州王寺簿者殆卽王夢龍歟所謂知州者宋時知府署銜稱知某州軍州事也寺簿者亦內銜耳觀王夢龍居官旣重立韓碑又置田贍士亦爲政

知所先後者惜郡志無傳以彰厥美名宦無粟主  
以報其德此田嗣後又不知廢於何時學校志云  
此田明季已無攷

國朝定鼎以來又百數十年況古今都鄙不同碑云  
三十都者非今之三十都也內有雙源徐岸等處  
似屬宣平矣後之留心學事者斷不可藉此殘刻  
而起爭端

雲舫

### 靈鷲山崇禪師捨田碑

碑高六尺廣三尺文與題款凡二十四行行  
四十二字行書徑一寸篆額十字長四寸

靈鷲山崇禪師捨田碑

崇禪師捨田記

余辭僞祝髮南詢知識癸未間道過栢蒼駐錫光孝獲聞崇禪師而不可得名時禪師圓寂久矣甚恨乎不及見其人也。是年冬余挾襍徧遊名山越八祀來尸東山與瑩公僧正爲鄰峯相見道話始知禪師乃其師也。瑩公一日過余炷香右遶叙禪師之行狀求傳後世語詳其始末深知名下無虛人嘆伏久之。旣聞禪師之名得紀禪師之實頗以爲喜故不辭用以直書之。禪師姓嵇名悔同氣六人承先留生承集承毅承彥弟僧如光皆已下世禪師捨俗爲僧受業靈山易名慧崇禮都正圓

證講主法□爲師登崇圖五威出入叢林叅究大事默契吾宗韜光晦迹不使外聞蒲柳浸尋罷參而歸掃空自牧諸山訪奇得禪師於閑房龐眉恠宇出語異常咸勉爲人一出禪師作色不允芳躅如此與近買山攘奪之輩豈霄壤之間哉禪師俗壽五十有二僧臘三十夏紹興五年二月十日吉祥臥逝度小師三人長白祖璿主掌教門住三岩崇法洞谿法興逾四十稔不苟葷醪蓮經日一過目其諸細行不可具述年六十餘視聽聰明狼若嬰孩真僧中傑也度師孫五人子謀了月傳教臨壇了誠了日了誡皆有道質仲曰祖瑄蚤亡季曰祖



瑤卽僧正公也住普明廣聖二刹晚爲受業主首十有八年內外翕然脩葺供養畧無疎乏以衰老屢欲就閑徒不聽許非果有可伏之道詎容久據籌室耶度師孫三人了猷了猷了默各親道學禪師道行衆皆推伏而二襖足偉迹過人所謂有是父宜有是子也禪師在日得次僧倫常切感幸每謂人曰

國王父母德恩難報心非木石拳拳不忘乃命兄弟剖其中曲欲以所分得田租三十畝山五片莊舍五間坐落魏衙筋竹等處併捨歸常住飯僧襲福祝

一人壽報答

洪恩可乎兄弟樂從之紹興二年經官

陳訖至十七年因有小撓璿公僧正住本山以禪師意  
告蒙縣宰章承議始給公據爲照山門得此利益接待  
往來鐘魚不絕今四十春秋矣嗚呼像法將季服其服  
者專逐利養積長至死而不悔官爲是利哉聞禪師之  
名得無汗顏乎璿公僧正凡所住處有利人之事未嘗  
吝已而不爲眞禪師之徒也以已之能行卽禪師之已  
行將爲後人勸欲作此述非余敢文繫不朽名也國熙  
改元十一月初六日孤禪比四子分記住山小師比四  
祖璿立石

舊石剝落往二病觀

皇元復紀至元間以斯文重勒諸石後三年辛巳夏罹  
裁獨鍾樓存焉凡碑記悉灰壤舊石得不燬又九年巳  
丑秋依舊刊石敬新前人千古不泯之志也

住山法孫比邨妙相重立

右元靈鷲院重刻宋崇禪師捨田記比邨子分記  
祖瑩立石在麗水縣靈鷲山離城二十里初立石  
在宋酒熙改元後舊石剝落元至元間重勒被火  
後巳丑復刊法孫妙相重立則斯碑已三刻矣崇  
禪師姓嵇名悔同氣六人捨俗爲僧易名慧崇後  
以俗家所分得之田租三十畝山五片莊舍五間

捨歸靈鷲院常住謀諸兄弟皆樂從經官陳訖其事在高宗紹興初越百五十年至元之後至元己丑尙能守業勿失三刻斯文在彼法中可稱賢子孫矣

龍泉縣城隍廟碑

據兩浙金石志錄入不計高廣

龍泉縣重修城隍廟記

從

下缺事孔賜謨

承事郎處

下缺

農事葉伯顏書

篆額

城隍祠通天下郡縣有之然影

□□□□□□□□□□

○不能焉蓋亦繫乎山川之氣而已龍泉縣在萬山中  
其治面大溪羣○○○○若城郭信天鍾秀於是故  
其人既聰明特達膺富貴而神之靈亦異直治之西○  
城隍廟焉故老相傳言能爲民捍患禦災威靈烜然不  
可殫舉姑卽一事明之戊寅歲鄰有寇入境燔官舍民  
居

朝廷命將來征寇旣殄議屠吾邑將忽自疑乃潛祈於  
神擊瓦以卜之卜成悚然曰神祐民如此吾其敢妄爲  
遂班師不戮一人民驩呼更生爭先走詣神謝自是水  
旱癘疫無不禱禱無不應今七十餘載矣民之事神不

懈而神之蒞民益勤廟屢壞屢修然皆濟一時之急未盡善也至正十年夏五月主簿唐元公乃慨然爲久遠之謀出家財倡之士之好施者和之命集福寺僧崇一董其役自六月甲申朔始事至十月望日告成其用工宏矣而民若罔聞知殿堂門廡冠冕侍御靡不堅固完好更數十歲雖勿修可也於是縣之人愧曰此吾黨事也而公爲成之我其何以報乃相與買石誌公之勞使來徵予文予讀李陽冰縉雲廟記有曰城隍神祀典無之吳越有之然則是廟之設自唐始矣論者謂神之有城隍猶吏之有守令未知其然乎否也噫神歆民之享

祀猶吏食民之賦稅皆當圖報而錫之福其理一而已  
矣主簿公廉靜寡欲獨愛民汲汲若不及所以致力於  
斯廟者亦以其神能爲民興利而除害爾其心非爲神  
也爲民也視夫飾緇廬崇黃宅以自徼福者相去豈不  
遠哉故不辭而爲之記使來者有考焉公名九住字仲  
義唐元其氏也是年十二月十五日記

龍泉縣典史王克讓 處州路龍泉縣尉費朶因不  
花 承事郎處州路龍泉縣尹兼勸農事林森立石  
眠役華天柱 武林錢德遠摸刊

右碑篆額九字文正書二十二行在龍泉縣城隍

廟此主簿唐元九住以家財倡修廟而集福寺僧  
董成之孔暘記之也元九字仲義唐元其氏官主  
簿府志誤達魯花赤孔暘葉伯顏無考王克讓又  
見府尹下宋道祐時當是二人縣尹林森府志誤

作林士林宜從碑更正

兩浙金石志按葉琛  
原名伯顏見青田志

右元龍泉縣城隍廟碑至正十年十二月孔暘撰  
記碑文云余讀李陽冰縉雲廟記有曰城隍神祀  
典無之吳越有之然則是廟之設自唐始矣論者  
謂神之有城隍猶吏之有守令未知其然乎否也  
噫神歆民之享祀猶吏食民之賦稅皆當圖報而



錫之福其理一而已矣數語頗篤實案城隍之名  
據賓退錄見於吳赤烏二年由是六朝祀之盛於  
唐至宋載入祀典陸放翁鎮江府城隍記謂唐以  
來郡縣皆祭城隍所云神之有城隍猶吏之有守  
令實見斯碑然立言者猶在疑信之間故曰未知  
其然乎否也迨明洪武初皆加以封號京都開封  
臨濠太平和州府滁州封爲王其餘府曰公州曰  
侯縣曰伯三年詔革去封號止稱某府某州某縣  
城隍之神又命各府州縣城隍廟宇俱如其公廨  
設公座筆硯如其守令京師命京尹主其祭府州

縣守令主之新官到任俾其與神誓制詞有云明  
有禮樂幽有鬼神蓋置守令以治民生於昭昭之  
際設城隍以司民命於冥冥之中至是真以守令  
待之矣豈知元碑中已有是論哉又案孔暘温州  
平陽人至正壬午進士同知平陽州事見温州府  
志 芝廔

景甯清修寺心經鐘款

據本錄入不  
計高圍徑寸

皇帝萬歲

太子千秋

法輪常轉

佛日增輝

摩訶般若波羅蜜多心經

經文不錄

大元天曆元年戊辰歲前住持慈智廣教大師壽峯德

和尚出財力發揚鑄造徒弟宗可同寺衆 祖輝

宗晟 宗昊 宗敬 可芳 宗曷 宗景 宗冕

可宣 可伯 宗旦 等募到近遠施主銅錫各鈔

助緣異功歸有地福報自天已往者各證生方現存

者同躋壽域

昨同先師發揚靖這洪音未能盡善徒弟可完可冥復  
興是事同衆募緣志未就而順寂二師孫守戚守域同  
寺衆出力幹緣奉報四恩三有者

皆至正十四年甲午歲下元日

前住持 宗可 謹題

當任住持 可伯出鈔一錠

寺衆 宗冕助鈔五兩

宗旦助鈔十五兩

可信 半錠

守義 十五兩

可富 文明

可僖 可仁 守斌

各助鈔十兩

守武 可仕 可森 守載

各助鈔二兩五

守賦助鈔五兩

澄照寺比邱道鄰捨鈔半定

清修寺比邱惟璘捨鈔十兩

右鐘不知何寺故物今在景甯縣清修寺唐宋以來碑識鐘款間有題皇帝萬歲臣佐千秋者亦有

題皇帝萬歲太后齊年者今此款題皇帝萬歲太  
子千秋皆釋氏頌揚時君而變易其詞耳此鐘元  
文宗天歷元年戊辰初爲慈知廣教大師所鑄音  
未盡善迄順帝至正十四年甲午復爲寺僧守戚  
等重鑄然鐘內不載某寺名款後雖有清修寺名  
乃捨鈔之款而非清修寺鐘也 雲舫

麗陽廟碑銘

碑高一丈廣五尺五寸文與題款凡三十一行行  
五十二字八分書徑一寸篆額六字長五寸五分

麗陽神廟生碑

信州路總管府照磨栢蒼林君傳謁選京師以其鄉父  
栢蒼金石志

老之意請著銘刻諸麗陽神廟麗牲之碑按林君所述  
曰處之鎮曰栢蒼廟山其最尊也距城之北十里郡乘  
云其先白塔廟不知所始相傳嘗有浮雲在其上唐大  
中四年刺史徐鄧禱雨廟下隨應廼易其額曰麗陽以  
麗水經其南故也後八年錄事叅軍姜肅攝州事度地  
故址之西新其祠宇而并大之中祠麗陽北山之神左  
白塔司土之神右巨潭北沼之龍神三神合享一祠民  
有水旱疾癘螟蝗盜賊兵革必禱焉其孚格如響北山  
之神曰靈顯廟宋元豐三年肇封凡十有二初封普利  
侯次博濟公次四封廣佑順澤昭應善濟王次二改封

廣佑敷澤靈濟顯聖王又四改封仁文神武正福忠聖  
王巨潭神曰施普廟亦十有二封初四封淵應昭惠靈  
順康濟侯次三封孚澤顯應靈佑公又四封昭惠靈應  
仁烈孚佑王白塔神曰顯佑廟凡八封初四封善應孚  
濟宣惠助順侯次二封宣惠廣佑公又二封英顯廣利  
王神之配及子婦佐屬皆疏爵號通侯小君靈應之蹟  
班二可考其尤著者宋時應進士舉者禱夢于神窮達  
得失莫不先知有應夢錄傳于世咸酒中郡中饑適吳  
商載米數十艘相時射利未知所適遇一士乘舟海上  
衣冠偉甚謂吾處人麗其姓將盡糴舟中粟願趨吾郡



商許諾一夕大風徑至甌港民無轉徙之患商物色知神所爲致祭而去我師取淞東旣內附或震以遷卜於神戒勿動至元十四年招討趙侯初鎮守也屯戍尙少章焱季文龍挾淮軍爲亂陳於城東州人大恐會萬戶帥師遠來至麗水縣境晝霧四塞旣止舍俄一老父指之曰城圍甚急招討遣千戶來求援乘其所不料此奇計也萬戶卽起營千戶前導繇徑路突其圍焱軍大亂旣定萬戶問所遣千戶何在趙侯曰萬戶來且不知千戶非吾遣也或曰得非麗陽神之所爲乎及詣祠見佐神額象衣色類所見千戶迫視之汗猶浹背其著靈多

類此云

國家詔守吏致祭名山大川之在祀典者大德五年主者上其事請祀神從之延祐二年請加封於是靈顯廟易正福爲廣佑曰仁文神武廣佑忠聖王神父廣福公加廣福裕後公神母慈惠協應顯慶助佑夫人易封聖善慈惠顯應助佑夫人神妻助正妃加主中助正妃神子協佑助順廣惠侯易封紹靈協佑廣惠侯神子婦協慶夫人加助惠協慶夫人施普廟昭惠靈應仁烈孚佑王易封昭德靈惠仁烈孚佑王顯佑廟英顯廣利王加協忠英顯廣利王佐神昇侯助靈顯佑協惠輔正侯進

爵爲公

命書焜煌神人悅豫士民之祈報者無虛日余嘗以事  
道出麗陽觀乎枯蒼之山鴻蒙旁薄綿亘數百里爲一  
郡之望其出雲雨見怪物禦苗捍患實應祀典我  
國家事神治人蓋有

祖宗之成法惟麗陽之神邇在東越而寵賁優渥神貺  
益昭於乎盛哉余不佞備官詞林謹述其事而爲之銘  
銘曰

聖王制禮秩祀有常名山大川神怪攸藏維枯之山望  
臨一郡靈秀攸鍾允作雄鎮報功司土龍見而雩三神

合食樂康以娛在昔勝國數著奇績通侯小君封爵赫奕

皇受

天命用兵越邦蠡爾冥頑負固弗降晝霧晦昏若有神告彼潰倒戈摧拉凶暴載錫褒謚守臣之言增高益崇繇我

聖元神眷此方田有黍稷癘氣廓清兵燹滅息祀終古唯神是依醴酒既潔牲牢腍肥水孕精金山蔭喬木伐鼓吹簫惠爾多福肅肅靈旗御龍來娛

天子萬壽秩禮孔時史氏著銘爰刻貞石誦厥成功昭

示無極 應奉翰林文字文林郎同知 制誥兼 國  
史院編修官臨川危素撰 金華劉文慶書翰林學士  
承 旨榮祿大夫知 制誥兼修 國史齊郡張起巖  
篆

至正十四年十二月乙卯中奉大夫江淞等處行中書  
省參知政事恩寵普立 永嘉許光遠刻

右碑篆額六字文三十一行八分書在麗水縣麗  
陽廟前此枯蒼林君傳謁選京師而乞危雲林爲  
文刻石也前述廟所由始及歷代封爵靈異事並  
爲宋世祈夢之所有應夢錄傳世觀吳商載米萬

戶援兵二事枯蒼之人宜其若狂矣

兩浙金石志

元麗陽祖廟碑危素撰文至正十四年立石碑文頗修整一無剝落余初讀馮德秀重修麗陽廟記有記徵應夢錄語不解今讀是碑有云宋時應進士舉者禱夢于神窮達得失莫不先知有應夢錄傳於世夫神能以夢示科舉得失無怪乎一郡之士奔走恐後何今時又寂無所聞耶善乎馮君德秀之言曰人之精神所聚卽神之感應必靈其相關如是也至理名言豈獨一麗陽神哉

麗水縣學詔旨碑

碑高八尺二寸廣四尺上列十二行正書字徑一寸  
下列三十一行正書經七分詔旨二字篆書長五寸

詔旨

上天眷命

皇帝聖旨蓋聞先孔子而聖者非孔子無以明後孔子  
而聖者非孔子無以法所謂祖述堯舜憲章文武儀範  
百王師表萬世者也朕纂承丕緒敬仰休風循治古之  
良規舉追封之盛典加號大成至聖文宣王遣使闕里  
祀以太牢於戲父子之親君臣之義求惟聖教之尊天  
地之大日月之明奚罄名言之妙尙資神化祚我  
皇元主者施行

大德十一年九月 日

文林郎前處州路麗水縣尹兼勸農事 臣王銓書丹

處口路儒學錄權麗水縣儒學事 臣商衍

洪惟

國家徧海宇罔不臣服所在設學校崇奉

先聖作養人材乃所以開人心之天綱常斯世惠至渥也暨我

武宗皇帝時加徽號學校咸建豐碑壽勒

玉音以耀無窮昭

國制也處州麗水學在擇山缺典凡五十載辱莫大焉



遂請於達魯花赤納速刺君縣尹王尹銓咸允厥謀尹以監生出身卜基於樂臺西上南面循監制也越四載始克成於戲聖謨洋洋嘉言孔彰游於斯者盍衍國家萬世太平之基庶幾無負

皇帝陛下海涵春育之恩臣衍下情無任不勝激切屏

營之至至正十六年六月 日處州路儒學錄權麗水

縣儒學事臣商衍頓首頓首謹言

承事郎處州路麗水縣達魯花赤兼管勸農事臣納速

刺新授處州路麗水縣達魯花赤臣海魯丁新授處州

路麗水縣尹臣饒裕保義副尉處州路麗水縣主簿臣

藏吉沙處州路麗水縣尉臣高天祥麗水縣典史錢

伯璋臣韓復前處州路麗水縣儒學教諭臣戴天澤臣

林元德處州路麗水縣儒學教諭臣劉彥學職臣姜德

秀臣王寄臣林仁臣鄭資臣李興臣祖臣商芝臣孫臣商子

華臣姜興臣季恭臣潘恒臣鄭君德生臣林忱臣劉

日新臣商寶等立石司書臣吳德謙眠役

里人臣朱文敬刊

右碑額題篆書詔旨二字文十二行正書末附書

丹銜名一行小楷書在麗水縣學縣尹王銓舊志

不載兩浙金石志

右麗水縣學所立孔廟詔旨碑兩浙金石志已錄而失載處州路儒學權麗水學事商衍一跋又失載立石司書眠役等二十餘名僅錄處州路麗水縣尹兼勸農事臣王銓書丹豈知此欸亦誤碑作文林郎前處州路麗水縣尹兼勸農事臣王銓書丹失落四字今王雲舫從縣學拓全碑來一一補正又按此碑至順帝至正十六年始補刊是時元祚將終而處州一路尙能從事學校是亦不可及也已

右詔旨碑在麗水縣樺山廟學大成門外堦級下

東偏西向碑界二列上列卽王銓書大德詔旨下  
列乃學錄商衍跋語及各官銜名是刻大德詔旨  
至正立石其間缺典五十載惟銓獨能循監制而  
允厥謀可謂賢令尹矣惜志不載按續宏簡錄元  
史補遺云王銓字伯衡安仁人登進士歷温州守  
及方寇陷温州銓公服坐堂上寇至問何不去銓  
曰方州大臣與城偕亡去將何適吾負國托付死  
有餘辜但不可延累吾民吾當厲鬼以報寇不忍  
殺乃以言激怒引領受刃死温州府志失載其事  
並不錄其姓氏於職官表是則銓由麗水尹遷溫

州守以殉寇難余故詳述之以表其忠烈而兩志  
俱失錄之何耶 雲舫

龍淵義塾碑

拓本剪去四旁高廣未詳文凡二十  
二行行四十二字隸書徑一寸二分

至正十七年九月甲子枯蒼章君溢新建龍淵義塾成  
龍淵卽龍泉避唐諱更以今名相傳其地乃歐冶子鑄  
劍處至今有水號劍溪焉山深而川阻与通都大邑相  
去遠或二三百里口至近亦且半之鄉閭之子弟無所  
於學昔人嘗以爲病謀創桂山仙巖笏洲三書院以無  
恒產未幾而皆廢章君深憂之與諸子計曰無田是無

塾也其奚可哉遂擢節□□而用其餘斥田至一百五十晦其妻黨陳京兄弟聞之以曾大父適齋先生所遺二百三十晦有□□爲之助章君曰吾事濟矣遂卜地官山之陰創燕居以奉

先聖而先師爲之配春與秣行舍采之禮旁削四齋曰遜敏曰知通曰敬樂曰博約以居弟子員後敞正義堂月旦十五日鳴鼓集多士以申飭五倫之教前建大門榜之曰龍淵義塾壁其修塗以達於東西灌木嘉篁前後虧蔽蓋鬱欂云歲聘經行修明之士爲誨師諸生業進者月有賞才穎家單不能裹糧者資之使成其不帥

教者罰及之田賦之出入主塾者司焉日有籍月考胸  
贏歲一會其數有餘則它國益斥田以廣其業石華象  
溪二所復設別塾以教陳氏族子之幼者俟其長乃赴  
龍淵受業此其大凡也江浙行省叅知政事石抹公聞  
而嘉之檄本郡免其科繇俾無有所與章君旣列條教  
序而刊諸石復懼來者不能其終也佯來請濂記之惟  
古之建學也雖其制有大小之殊而所以道民衷扶世  
防者則一而已龍泉舊爲泐水東文獻之邦水心葉氏  
正則西山真氏希元實後先以學鳴聲感氣求籟鳴機  
動掇魏科而典雄門者聲華相望一時文物固嘗盛矣

距今未及百年繼之者何其鮮也豈俗尙不同邇有古  
今之異哉亦係乎學之興衰爲何如爾章君有見於斯  
不効時俗封植吝固以爲肥家之計乃闢塾聘師以嘉  
惠鄉邦之俊彥俾棄其陋習而爲君子之歸其立□□  
宏□爲功甚溥陳京兄弟樂善好義以助其成自非適  
齋涵濡之澤亦豈能至於是哉章君之子若□□□夜  
以繼志爲事毋豐己以自私毋蠹蕘其間以啓爭端毋  
狎非類而敦厥彝訓毋植朋黨而相低昂庶□□□  
□□□□有違於是陳氏之中有端亮者宜匡正之陳  
氏不我屑也則鄉尹里師豈無勇於爲義□□□□□



□□□師又不我屑也則縣大夫之賢者宜扶樹而振  
發之是則章君之塾可傳於無窮雖歛無□□□□  
□□□□□□□□□□苟讀濂文宜戰兢保守  
之弗暇矧敢壞是歲十月金華宋濂記併書

陳源何清刻

右龍淵義塾碑在龍泉縣六十里七都玉峯寺內  
宋濂記併書建於至正十七年九月甲子章公濬  
所建濬與宋濂劉基葉琛明祖稱爲四先生是也  
案宋文憲于至正己丑用大臣薦卽家除翰林院  
編修以親老固辭入仙華山爲道士易名元真子

已丑爲至正九年此碑記作於至正十七年知在  
旣名後也至庚子歲明祖徵至建康授皇太子經  
居禮賢館則在至正二十年矣越八年而元亡碑  
云昔人謀創桂山仙巖芴洲三書院以無恒產未  
幾而皆廢考府志於龍泉三書院皆載又載義塾  
五一在縣西七都卽此龍淵義塾也碑文云龍泉  
舊爲澗水東文獻之邦水心葉氏正則西山眞氏  
希元後先以學鳴考葉水心眞西山及葉石林三  
人俱收入府志人物傳嘉慶年間麗水教諭屠蘓  
渚奉涂淪莊郡伯命祀栢蒼九先生於蓮城書院

率諸生行舍采禮屠蕘渚作舍菜說一篇記其事  
後府學教授張丹邨著梅籥隨筆極詆之以爲宋  
史葉夢得吳縣人真德秀浦城人葉適永嘉人作  
志者收之乃誇飾之故習據以躋之鄉先生中殊  
嫌假借余意不然蓋三君或祖籍處州或子孫居  
栢皆非無因除石林係松陽人不論外

石林子孫  
皆居松陽

有祠  
有譜

葉水心雖爲永嘉人因永嘉南門外之水心

故以爲號然其所作詩文皆署龍泉葉適今集中  
尙可考當是由龍泉遷居永嘉也真西山爲浦城  
人浦城與龍泉交界相距百餘里兩地人往往互

居故宋末有真山民者爲栢人有詩集行世 四  
庫全書提要云宋末竄跡隱淪所至好題詩因傳  
于世或自呼山民因以稱之或云李生喬嘗歎其  
不媿乃祖文忠西山以是疑其姓真可證西山後  
人世居龍泉矣山民名桂芳見林氏揭龍泉典故畧續今讀文憲碑記  
云云知元時卽以二人爲龍泉人豈非得一真確  
證據哉而郡志之非誇飾從可知已

按浙江通志載此碑文有所刪改未知從何處收  
錄惟原碑至正十七年而志文云至正十三年此  
必是傳抄者之訛也內照志文補凡費藩志甚而

孫七字其餘缺者因其文有刪改不能悉補芝庭

附載石門洞磨崖二段無紀元可攷概附卷末

韓正彥石門洞磨崖

四行行四五字不等字徑一寸四分正書左文

石門因題

臘前一日遊

師德季冬

安陽韓正彥

右題名四行行四五字不等正書左文韓正彥史傳無攷亦無時代可據

王郇石門洞殘刻

四行字徑  
四五寸正書

冰雪或漂激

骨毛皆澈清

猷捧硯

邑佐王郇遊此

右石門洞殘刻四行正書徑四五寸不等書法如  
柳誠懸所謂邑佐甌括二志皆無攷

謹按原本因無紀元列入附載者六段今將程  
閔中題名本錢宮詹攷定爲元符二年附於方

壞三巖題崖之後陳適中題名本潛研堂金石  
文字目錄次序附於宋末其王徵詩刻李壽題  
名一爲崔堯封題名掩蓋一爲劉涇磨崖加於  
其上均應附北宋末以符時代尚存韓師德王  
郇磨崖兩段仍列附載俟攷殷甫

東甌博古齋郭煥春熙堂手鐫

稽蒼金石志卷十二終

原刻麗水譚學錄校字  
重刊海昌鄒柏森校字

曩麗水學司諭屠蕓渚先生與處州學司訓溫一齋先生皆嗜金石搜尋碑記及磨崖拓本不少意欲有所撰述孰知一齋先生遽歸道山蕓渚先生此興亦旋阻終不能成書忠昔追隨其後故於南明三巖石門三處磨崖存有拓本庚寅冬歸自廣陵適李金瀾先生司訓栝蒼得以請謁其嗜金石不減屠溫二公卽將所存磨崖相示先生見而喜之考獻徵文輒不釋手復約家雲舫三人同志再拓南明三巖石門所未盡者并各處搜羅命工托友窮一年之力共得若干種成栝蒼金石志一十二卷惜乎蕓渚先生歸田後不三年卽棄世未見是



書之成可不慨歟因併識於此  
昔道光壬辰仲冬月麗  
水王尙忠跋

李金闕司訓輯括蒼金石志成學使 陳公碩士與前  
守資而刻之矣今夏學使 季公按括見而善之司訓  
復以續藁呈 公喜滋甚旣助鋟資兼以語余因思括  
州奇人偉士史不絕書百餘年來稍益不振將孕育固  
不能無間與抑信有之而莫或知之也司訓旣顯寶刻  
於荒荆野蔓之間倘巖穴中有抗志希古之流足以資  
故實而襄治事者爲拔而起之則尤守土者之幸也於  
是刻之成書以質之

道光二十年歲次庚子七月長白恆奎序